

NAŠA STRANKA
O.O. BOS. PETROVAC
UL. BOSANSKA BB
77250 BOS.PETROVAC

OPĆI
PROGRAMSKI
CILJEVI NAŠE
STRANKE:

- Otvoreno društvo
- Ekonomski rast
- Građanska prava
- Akademske slobode
- Naobrazba
- Radno pravo
- Sindikalna prava
- Prava neuposlenih
- Zabrana diskriminacije
- Borba protiv kriminala, korupcije I terorizma
- Zaštita djece
- Porodijsko odsustvo
- Briga za stare osobe
- Briga za osobe s onesposobljenjem
- Socijalna sigurnost za sve
- Zdravstvena zaštita za sve
- Sigurnost života na selu
- Mir, sigurnost I održivi razvitak
- Lokalna samouprava

SADRŽAJ

Interview sa	2
Osnivanje OONS Bos. Petrovac	4
Aktivnosti OONS Bos. Petrovac	4
Izvod iz	5
Poziv	6
Adresa I kontakt	7

NAŠA STRANKA

Opštinska Organizacija Bosanski Petrovac

IZDANJE BROJ 1

JUNI, 2008. GODINE

Općenito o NAŠOJ STRANCI

Smišljeno inducirana i uporno održavana politička kriza bh. društva i punih trinaest godina nakon rata onemogućava normalizaciju života, svjesno i na najperfidniji način ponižavajući ljude (građane) naše zemlje.

Tobožnja "zaštita vitalnog nacionalnog interesa" izmetla se u svojevrсно zavaravanje građanstva i učvršćivanje rigidno shvaćenih etnopolitičkih koncepata koji svugdje vode, samo ne tamo gdje uporno i godinama na sav glas obećavaju da vode – u Evropu.

NAŠA STRANKA je višenacionalna i demokratska. Organizovali

smo se zbog 51% ljudi koji ne izlaze na izbore. Oni moraju shvatiti da niko neće doći da nam promjeni situaciju. To moramo učiniti sami i građani ove zemlje ne trebaju biti glasači, nego birači. Naša je ideja da nas vode najbolji, a ne najpodobniji, da nas vode mladi i novi ljudi!

Dugujemo budućim generacijama jedan častan pokušaj angažmana svih nas kako bismo im ostavili bolje i uređenije društvo! Sretniju i izvjesniju budućnost!
"Nažalost, ne živimo u državi u kojoj politiku i našu sudbinu možemo prepustiti profesionalnim političarima..."-Dino Mustafić.

Odgovornost i težak rad je pred nama, a to je sve što nam je preostalo....

Jedini izbor je da se svi pokrenemo, jer niko neće doći da nam napravi bolje sutra!!!!

**MI VODIMO POLITIKU
SPAJANJA, A NE
RAZDVAJANJA!!!**

E.Hajder

Zašto ovaj newsletter?

U vremenu kada blagovremena informacija predstavlja neprocjenjivu vrijednost, a u nedostatku dovoljno kvalitetnog protoka informacija kako u samom Bosanskom Petrovcu između Opštine I građana, tako I Opštine I dijaspore, aktivisti NAŠE STRANKE su odlučili

pokrenuti ovaj newsletter koji upravo čitate.

Newsletter je namijenjen svim građanima Bosanskog Petrovca, koji su željni blagovremene I tačne informacije.

U ovom newsletter-u glavne teme će biti one koje pokreću I tiču se upravo nas, Petrovčana.

Redovno ćemo objavljivati informacije koje su bitne kako za nas, tako I za naš grad.

Newsletter će biti objavljan kako u elektronskoj, tako I u štampanoj formi I izlazit će minimalno jednom mjesečno, što će ponajviše zavisit od Vas čitalaca.

Interview sa Erminom Hajderom...

Prenosimo Vam Interview koji je g-din Ermin Hajder kao član Izvršnog odbora Naše stranke i kandidat Naše stranke za načelnika općine/ opštine Bosanski Petrovac dao ekskluzivno za Vas.

Ermin Hajder je poznat građanima Bosanskog Petrovca i od izbora prije 4 godine. Šta se u međuvremenu desilo?

Mnogo toga! Moji sugrađani znaju da sam već tri godine u Bihaću i to samo iz jednog razloga: u Bihaću radim! Dvije godine u OSCE-u na poziciji menadžera za razvoj zajednice bile su fenomenalno iskustvo kako u izgradnji vlastitih sposobnosti, tako i u velikom broju osoba koje sam upoznao. Nešto posebno što izdvajam iz tog perioda je način rada, odnosno metoda planiranja – izvještavanje. Dobar je osjećaj kad shvatate da nema nikakvog šefa kojem morate zadržati osmijeh na licu, imate cijelo vrijeme samo svoj posao koji sami planirate i realizirate, a nakon toga možete i sami izmjeriti svoj vlastiti učinak. To je svakako nešto što treba našem društvu – odgovoran rad! Nakon toga sam dobio radno mjesto u Ekološkoj koaliciji unskog sliva, prvo kao savjetnik u procesu unaprijeđenja rada te mreže, a nakon toga i kao koordinator, što radim i danas. Radim na procesu uključivanja građana u aktivnosti projekta dobre uprave u oblasti voda i okolišne sanitacije u 12 gradova sliva rijeke Une. U međuvremenu dosta sam angažiran i kao trener za strateško planiranje, komunikacijske vještine, PR tj. javne odnose i još neke metode. Član sam i općinske komisije u Bihaću koja radi na izradi strategije razvoja omladinske politike. Imam zaista dosta obaveza.

Vi ste jedan od osnivača Naše stranke u Bosni i Hercegovini. Kako ste se tu našli?

To je svakako jedno iskustvo koje ću sigurno pamtiti čitav život. Bilo je prilično naporno tih 5-6 mjeseci prije 5.aprila ove godine kad se stranka osnovala. Skoro svake sedmice morao sam naći vremena za odlazak u Sarajevo. Mislim da su detalji oko osnivanja stranke već javnosti dobro poznati, ali ono što je meni označilo taj period je upravo činjenica da postoji tako

veliki krug ljudi u našoj zemlji koji normalno i jednostavno razmišljaju. Sva suština se svodi na to da smo shvatili da niko neće doći da poboljša našu budućnost. Jednostavno, upustili smo se u jednu maratonsku utrku radi dobrobiti svih budućih generacija. Ovo izgleda kao prilično otrcana floskula, ali je to velika istina. Shvatili smo da aktuelna politička elita više jednostavno nema dovoljno kapaciteta da se suoči s progresom u oblasti ekonomskih, socioloških, privrednih i svih drugih izazova i da je sva retorika samo stalno ponavljanje i zastrašivanje. Činjenica je da su osnivači stranke sve uspješni i prilično mladi ljudi kojima politika ne treba da bi se «uhljebili», već da bi ono što rade bilo efektivno, još bolje i za dobrobit društva. To je ukratko. Naravno, o tome bih mogao danima pričati...

Ponovo ste kandidat za načelnika. Koja je osnovna razlika, osim što ste prošli put bili nezavisni kandidat?

Pa sama činjenica da sam prije 4 godine kao nezavisni kandidat prošao u drugi krug prebrojavanja ostavljajući iza sebe 6 drugih kandidata, nosi jednu i težinu i kapital kojih sam svjestan ovaj put. Bilo je to svakako jako dobro iskustvo i bitan test za mene ali i za Bosanski Petrovac. Ovaj put je jedna prilično jaka politička infrastruktura iza mene i općinska organizacija Naše stranke koja jača iz dana u dan. Građani su pokazali kolika je promjena potrebna našem gradu. Ja sam nisam promjena, ali upravo to veliko povjerenje i kredibilitet koji stalno gradim stvorilo je nadu kod velikog broja birača. Ta činjenica mi nije dala prostora da razmišljam o kandidaturi ove godine, Jednostavno, zbog svih tih mojih sugrađana koji su tad vjerovali u mene – imao sam obavezu da se opet ponudim svome gradu. I to činim. Ali ovaj put dosta i jači i sposobniji i sa dobrim timom ljudi, te sa listom od 15 kandidata za vijeće.

Kakav je Vaš stav prema ostalim političkim opcijama u Bosanskom Petrovcu? Da li je već bilo nekih predizbornih razgovora?

Ja iskreno vjerujem da su sve političke partije vrlo dobre opcije za suradnju, u suštini. Osim naravno, onih ekstremnih. Međutim, sve ovisi o ljudima koji predstavljaju, odnosno zastupaju te opcije. Mi do sada nismo imali razgovore, mada smo imali ponude, ali svakako ostajemo otvoreni za postizborni dijalog. To je stav Naše stranke i stav članova stranke u Bosanskom Petrovcu. Ja moram sad istaći da ovaj put imam zaista reprezentativan tim iza sebe koji vodi Zdravko Radošević predsjednik općinske/opštinske organizacije NS u Bosanskom Petrovcu. Mi smo već i organizirali svoje timove unutar organizacije i svi rade vrlo dinamično i posvećeno. Ušli smo tako prirodno u život Bosanskog Petrovca i prihvaćeni smo već od velikog broja sugrađana o čemu govori i stalni rast broja članova stranke. Siguran sam da Naša stranka neće samo biti moralni i politički pobjednik nakon oktobarskih izbora, Naša stranka će biti metod rada i brend Bosanskog Petrovca jer taj grad vrvi dobrim ljudima koji vaze za boljim životom!

Ove posljednje riječi odišu pozitivnom energijom. Sigurno će biti još dosta prilika da se obratite našim sugrađanima i direktno i preko medija, ali za kraj: šta bi danas bila poruka građanima Bosanskog Petrovca?

Pa poruka danas je ista ona koja će biti i u oktobru i poslije oktobra: mi nismo čarobnjaci i ništa nećemo obećavati osim jednog: radićemo u vašu korist i radićemo s vama! Mi znamo kako to treba uraditi. Znamo da naš grad ima bogate resurse koje vrijeme gazi. Znamo da ima tako puno dobrih ljudi i sposobnih i vrijednih, svima ćemo dati šansu. Za ove tri godine imao sam priliku da Bosanski Petrovac gledam «svana». Toliko puno propuštenih šansi, toliko puno neiskorištenih projekata, toliko malo informacija koje ulaze u naš grad, jednostavno, ovim načinom i tempom Bosanski Petrovac nema šansu. Ja sam kao petrovčanin dužan učiniti sve što mogu da to spriječim. To i činim. Zato pozivam sve svoje sugrađane da napravimo taj lom i već jednom krenemo naprijed.

J. Kavaz

Izbori 2008.godine

Pošto nam se Lokalni izbori bliže željeli bismo Vam skrenuti pažnju na registraciju birača. Znamo da Vam je ova tema I previše teška da o njoj pišemo, ali jednostavno moramo napomenuti od kolike je važnosti da građani izađu na izbore.

Podatak sa prošlih izbora nam govori da je na Izbore izašlo jedva 35% građana Bos. Petrovca. To je jako uznemirujući podatak. Drugim riječima, tih 35% građana

odlučilo o sudbini ostalih 65% građana

Da se to ne bi desilo I ovaj put, mi kao stranka smo odlučili da animiramo tih ostalih 65% građana koji nisu izašli na izbore, da izađu ove godine I da budu birači, da izaberu političku opciju koja će ih voditi naprijed, a ne da budu glasači.

Ako sebi govorite : "Zašto da izađem na izbore, kad moj glas

ionako neće ništa promjeniti....?" ; pogledajte to sa druge strane neka samo 100 Vas koji sebi to govorite izađe na izbore, to je 1% više birača na Izborima. Nas Petrovčana nema puno I zato baš Vaš glas može biti presudan da li će Bos. Petrovac ići naprijed u naredne četiri godine ili će ponovo stajati u mjestu.

Na Vama je da odaberete.

F.Muratović

**"OONS Bos.
Petrovac redovno
održava radne
sastanke na kojima
članovi I simpatizeri
Stranke razgovaraju
I informišu se o
tekućim
problemima kako u
gradu tako I u MZ."**

Jeste li upisani na Birački spisak

Znamo ako partite bilo koji od emitera da Vas trenutno bombarduju sa reklamama kako da se upišete u Birački spisak I da provjerite za koje biračko mjesto ste upisani, ali I mi smo preuzeli tu odgovornost da Vas uputimo oko te provjere I upisa na Birački spisak.

Nemojte ovo olako shvatati , jer je rok za Vašu prijavu na birački spisak do 22.07.2008.godine.

Šta trebate uraditi da provjerite da li ste registrovani kao birač?

Otiđite u Općinu potražite Izbornu komisiju I sa svojom CIPS ličnom kartom provjerite da li ste na spisku I gdje Vam se nalazi biračko mjesto, ili posjetite <http://izbori.ba/default.asp?col=reg>.

Ukoliko živite u inostranstvu, Vi se morate izjasniti da li će te glasati u odsustvu putem pošte, ili će te glasati u Konzularno-diplomatskim predstavništvima. S obzirom da razumijemo Vaše obaveze I termine mi Vam predlažemo sljedeće. U nastavku Vam prosljeđujemo linkove do zvaničnih dokumenata Centralne Izborne komisije koje možete download-ovati na svoj računar kod kuće, u miru popuniti I elektronski ili poštom poslati nazad Centralnoj Izornoj komisiji.

Linkovi su sljedeći:

- [Upis birača u Centralni birački spisak](#)

<http://izbori.ba/documents/2008/02-06-08/Reklama%20CBS-BOS.pdf>

- [Vodič za prijavu birača izvan BiH](#)

<http://izbori.ba/documents/2008/Obrasci/letak-bos.pdf>

- [Obrazac prijave za glasanje izvan BiH PRP-1](#)

http://izbori.ba/documents/2008/Obrasci/PRP1Obrazac_za_prijavu_za_glasanje_izvan_BiH-bos.pdf

- [Obrazac potvrde prijave za glasanje izvan BiH PRP-2](#)

<http://izbori.ba/documents/2008/pp2008/BOS/I.2.%20PRP%202%20-%20Obrazac%20za%20prijavu%20za%20glasanje%20izvan%20BiH.pdf>

Ukoliko Vam treba dodatnih informacija za Lokalne izbore 2008.godine posjetite I web stranicu [Centralne Izborne komisije](#) <http://izbori.ba> ili nas kontaktirajte putem e-mail-a ili naše webstranice ili dođite kod nas u našu kancelariju u UI Bosanska bb (preko puta Radio Bos. Petrovac).

F.Muratović

**NAŠA STRANKA
OO BOS. PETROVAC**

BOSANSKA BB
77250 BOS. PETROVAC
BOSNA I HERCEGOVINA
Web : www.nasastranka.ba
www.bosanskipetrovac.nasastranka.ba
E-mail : fikret.muratovic@bih.net.ba

Ako I Vi dijelite sa nama naše vizije I imate želju za boljim I ljepšim Bos. Petrovcem I želite da nam pomognete u bilo kojem obliku, da li to bilo kao član, simpatizer, vanjski saradnik ili želite biti kandidat za izbore možete se učlaniti na web stranici NAŠE STRANKE na www.nasastranka.ba.

**Ukoliko želite redovno primati newsletter Općinske Organizacije NAŠE STRANKE Bosanski Petrovac, prijavite se na e-mail : fikret.muratovic@bih.net.ba
Ako tražite više informacija o radu OONS Bos. Petrovac posjetite www.bosanskipetrovac.nasastranka.ba**

